

神農本草經疏卷之十五

人部

總二十五種今疏其要者十一種又陳藏器三種

髮髮

亂髮

人乳汁

頭垢

人牙齒

人屎 人中黃附

人溺 秋石附

溺白堊

婦人月水 經衣附

況禪汁 婦人禪裙附

懷妊婦人爪甲

天靈蓋

人胞 胞衣水附

初生臍帶

髮髮味苦溫小寒無毒主五癰閉格不通利小  
便水道療小兒癩大人瘰仍自遠神化合鷄子

黃煎之消為水療小兒驚熱

雷斅云是男子二十已來  
無疾患顏色紅白於頂心

剪下者入丸藥膏中先以苦參水浸一宿  
漉出入瓶子以大椒赤放冷研用

髮者血之餘也經

曰男子八歲腎氣盛齒更髮長是髮因人之血氣以

為生長榮枯也故血盛之人則髮潤而黑血枯之人

則髮燥而黃本經用髮髮之意為是故爾其味

苦氣溫別錄小寒無毒入手足少陰經大人瘰小兒

兒驚痛皆心肝二經血虛而有熱也髮為血之  
餘故能入心入肝益經血微寒而苦又能泄熱所以  
療小兒驚痛及大人瘧也心與小腸為表裡腎  
與膀胱為表裡心腎有熱則二腑亦受病此藥能  
入心除熱入腎益陰則水（接下）

道利五癰關格俱通矣是以古人治驚多用  
 茯苓琥珀竹葉之類取其分利心經之熱自  
 小腸出也日華子才止血悶血暈金瘡傷風  
 及煎膏長肉消瘀血者悉取其入心走肝益  
 血除熱之功耳自還神化之事未見別方大  
 抵以火煨之復化而凝成血質此即自還神  
 化之謂是因血而生復還為血非神化而何

○亂髮微溫主欬逆五淋大小便不通小兒驚

癩止血鼻衄燒之吹內立已

疏①亂髮卽常人頭上墮下者其氣味所主  
與髮髮相似第其力稍不及耳以髮髮一時  
難得故別錄重出此條以便臨時取用療體  
實不甚相遠也

主治參互

和劑局方腸風黑散治腸風瀉血用亂髮一  
兩半荆芥二兩槐花槐角各一兩以上共煨

爲末枳殼甘草各一兩半爲末和前末勻每  
服二錢水一盞煎七分空心服溫酒調下亦  
得 劉禹錫傳信方孩子熱瘡亂髮一團如  
梨子大鷄子黃十箇煮熟同於銚子內熬至  
甚乾始有液出旋置盞中液盡爲度用敷瘡  
上外卽以苦參粉摻之神効 又方小兒斷  
臍卽用清油調髮灰傅之不可傷水臍濕不  
乾亦傅之効 千金方小兒驚啼亂油髮堯

研乳汁或酒服少許良 聖惠方鼻血不止  
血髮燒灰吹之 又方諸竅出血頭髮敗櫟  
陳蓮蓬竝燒灰等分每服三錢童便溫酒調  
下 婦人良方女人漏血亂髮洗淨燒研空  
心溫酒服一錢 入諸膏藥內能消毒止痛  
長肉生肌 肘後方女勞黃疸膏髮煎用猪  
膏半斤亂髮鷄子大三團和剪髮消藥成矣  
分再服病從小便中出也

簡誤

髮灰走血分而帶散其主諸血證亦是血見  
灰則止取其治標之義居多若欲全仗其補  
益未必能也經熬煨成末後氣味不佳胃弱  
者勿服入外科藥殊有神効

人乳汁主補五藏令人肥白悅澤

唐本注療目赤痛多淚解

獨用牛肉毒合或濃汁飲之神効

疏○人乳乃陰血所化生於脾胃攝於衝任



未受孕則下爲月水既受孕則留而養胎已  
產則赤變爲白上爲乳汁此造化玄微之妙  
人身轉運之神也其味甘氣平無毒入心入  
腎入脾潤肺益壽延年之聖藥也氣血之液  
故能補五臟五臟得補則氣血充實而體自  
肥白悅澤也經曰目得血而能視乳爲血化  
故能療目赤痛多淚甘能解毒故又主解獨  
肝牛肉毒也

主治參互

攝生衆妙方接命丹治男婦氣血衰弱痰火  
上升虛損之證又治中風癱瘓手足疼痛不  
能動履等證用人乳二盃香甜白者爲佳以  
好梨汁一盃和勻銀石器內頓滾每日五更  
一服能消痰補虛生血延壽此以人補人之  
妙法也 聖惠方眼熱赤腫人乳半合古文  
錢十文銅器中磨令變色稀稠成煎甌收日

點數次或以乳浸黃連蒸熱洗之 萬氏家

抄方一切虛損勞證太乙神應丸人乳一碗

磁器煮乾焙燥牛乳一碗同前製杜仲三兩

破故紙二兩半白蘚皮白茯苓牛膝當歸各

二兩黍米金丹一箇曬乾卽初生兒口中血

珠共爲末蜜丸桐子大每服一丸夜間噙化

簡誤

乳屬陰其性涼而滋潤血虛有熱燥渴枯涸

者宜之若臟氣虛寒滑泄不禁及胃弱不思  
食脾虛不磨食竝不宜服

頭垢主淋閉不通

梳上者名百齒霜

疏○頭垢頭上垢膩也其性滑潤而下走故  
本經主淋閉不通及弘景療噎疾其味苦溫  
能走陽明故又主勞復及婦人吹乳也

主治參互

同白芷貝母半夏爲丸酒下治婦人吹乳

同山茨菰橘葉鼠糞人爪蒲公英柴胡山豆

根白芷連翹貝母夏枯草忍冬藤治乳岩乳

癰神効 類要方天行熱病後勞復含頭垢

棗核大一枚良 外臺秘要預防勞復傷寒

初愈欲令不勞復者頭垢燒研水九梧子大

飲服治蛇咬頭垢一丸衛生寶鑑婦人吹乳百齒霜以

無根水九梧子大每服三九 數條之外無

別用故不著簡誤

蜂螫人頭垢封之玉蟻亦同。飛絲入目頭垢少許揩之即出。竹木刺肉頭垢塗之即出。菜毒腫毒以頭垢塗核大含咽之或白湯下亦可。

人牙齒平除勞治瘧蠱毒氣入藥燒用

疏○牙齒者腎之標骨之餘也經云男子三八腎氣平而真牙生五八腎氣衰而齒槁以腎主骨故也其味甘鹹氣熱有小毒其主除勞治瘧者蓋勞乃勞極精氣乏絕腎家虧損所致也齒牙爲腎氣所生以類相從適還其本故主之也瘧亦因勞而發非夏傷暑秋爲瘧之比故亦主之味甘而鹹所以能解蠱毒

氣也今世又以之治痘瘡倒靨乳癰未潰爲  
必須之藥

主治參互

錢氏小兒方痘瘡倒靨人牙燒存性入麝香  
少許溫酒服半錢 聞人規痘疹論人牙散  
治痘瘡方出爲風寒外襲或變黑或青紫此  
倒靨也宜溫肌發散使熱氣復行而斑自出  
用人牙不拘多少瓦罐固濟煨過出火毒研

末出不快而黑陷者獐猪血調下一錢因誤  
服涼藥血濇倒陷者入麝香溫酒服之其効  
如神 肘後方乳癰未潰人牙齒燒研酥調  
敷之 直指方陰疽不發頭凹沉黯不疼無  
熱內服補散不起用人牙燒過穿山甲炙各  
一分爲末分作二服用當歸麻黃煎湯下外  
以薑汁和麪傅之



近世用人牙治痘瘡陷伏稱爲神品然一槩  
用之貽害不淺夫齒者腎之標骨之餘也痘  
瘡則毒自腎出方長之際外爲風寒穢氣所  
冒腠理閉塞血滯不行毒不能出或變黑倒  
靨宜用此以酒麝達之竄入腎經發出毒氣  
使熱令復行而瘡自紅活蓋劫劑也若伏毒  
在心昏冒不省人事及氣虛色白痒塌不能  
作膿熱沸紫泡之證止宜解毒補虛苟誤用

此則鬱悶聲啞反成不治之證可不慎哉其  
除勞治瘧本經雖言之今世亦稀用

人屎寒主療時行大熱狂走解諸毒宜用絕乾  
者搗末沸湯沃服之

疏○人之五穀入胃津液上升為氣血糟粕  
下降而成糞其本原以化過但存極苦大寒  
之氣味耳入足陽明經經曰陽明實熱則登  
高而歌棄衣而走苦寒能除陽明之熱故療

時行大熱狂走也。凡毒必熱，必辛，苦寒能除辛熱。故又主解諸毒也。蘇恭云：新者封疔腫。一日根爛，蓋疔腫乃風火之毒氣結成。得大寒極苦之氣，則風火散，根自爛也。今世人又以之治痘瘡血熱，紫黑倒靨者，殊效。

○糞清臘月截淡竹，去青皮，塞口，納糞坑中，積年得汁，甚黑而苦，主天行熱狂熱疾，中惡，葷毒，惡瘡，瘟病，垂死者皆瘥。一名黃龍湯，俗名

金汁

○人中黃卽多年厠坑中甕上所凝結黃泥是也。藥性治療大約與人屎同。解胃家熱毒有效。

主治參互

斗門方熱病發狂奔走似癲。如見鬼神久不得汗。及不知人事者。以人中黃入大罐內。以泥固濟。煨半日。去火毒。研末。新汲水服三錢。

未退再服。寇宗奭衍義犬熱狂渴乾陳人  
屎爲末。於陰地淨黃土中。作五六寸小坑。將  
末三兩匙於坑中。以新汲水調勻。良久澄清。  
細細與飲。卽解。儒門事親四靈無價散。治  
痘瘡黑陷。腹脹危篤者。此爲劫劑。用人糞。猫  
糞。猪犬糞。等分。臘月初旬。收埋高燥黃土窖  
內。至春取出。砂罐盛之。鹽泥固濟。炭火煨。令  
烟盡爲度。取出爲末。入麝香少許。研勻。瓷器

密封收之。一歲一字。二歲半錢。三歲一錢。蜜  
 水調下。須臾瘡起。千金方。疔腫初起。刮破  
 以熱屎傅之。乾即易。又方。五色丹毒。黃龍  
 湯飲二合。并塗之。良。陶弘景解藥箭毒。交  
 廣夷人用焦銅為箭鏃。更以毒藥物汁漬之。  
 射人纔傷皮便死。惟飲糞汁即解。

簡誤

傷寒溫疫非陽明實熱者不宜用。痘瘡非火

熱鬱滯因而紫黑乾陷倒靨者不宜用。以其  
苦寒之極耳。

人溺療寒熱頭疼溫氣童男者尤良。

疏○人溺乃津液之濁者。滲入膀胱而出。其  
味鹹。氣寒。無毒。爲除勞熱骨蒸咳嗽吐血及  
婦人產後血暈悶絕之聖藥。晉褚澄勞極論  
云。降火甚速。降血甚神。飲洩溺百不一死。服  
涼藥百不一生。言其功力之優勝也。經云飲

入於胃。游溢精氣。上輸於脾。脾氣散精。上歸於肺。通調水道。下輸膀胱。故人服小便入胃。亦隨脾之氣。上歸於肺。下通水道。而入膀胱。乃循其舊路也。故能治肺病。引火下行。凡人精氣清者爲血。濁者爲氣。濁之清者爲津液。清之濁者爲小便。與血同類也。故其味鹹而走血。鹹寒能伏虛熱。使火不上炎。而血不妄溢。是以能療諸血證也。蘇恭主久嗽上氣失



聾。及日華子止勞渴。潤心肺。療血悶熱狂。撲  
損瘀血在內。暈絕。止吐血。鼻衄。皮膚皴裂。難  
產。胞衣不下。諸證。悉由此故。本經主寒熱頭  
疼。溫氣者。鹹寒能除邪熱故耳。法當熱飲。熱  
則於中尚有真氣在。其行自速。冷則惟存鹹  
味寒性矣。

主治參互

同枇杷葉。天門冬。麥門冬。蘇子。桑白皮。沙參。

五味子、生地黃、欵冬花、百部、治陰虛咳嗽聲  
啞、喉間血腥氣、同蘇木、番降香、續斷、牛膝、  
牡丹皮、蒲黃、治內傷吐血、或瘀血停雷作痛、  
同澤蘭、荆芥、白芷、續斷、延胡索、牛膝、蘇木、  
黑豆、治產後血暈、虛者加人參、凡產後溫  
飲一盃、可免血暈、至三日後止之、中暈昏  
倒、以熱小便灌下、卽活、聖濟總錄、頭痛至  
極、童便一盞、豉心半合、同煎至五分、溫服、

孟詵必効方骨蒸發熱童便五升煎取一升  
以蜜三匙和之每服二碗半日更服此後常  
服自已小便輕者二十日重者五十日瘥

聖惠方絞腸沙痛童便乘熱服之卽瘥 仲

景方中暑昏悶夏月在途中熱死急移陰處  
就掬道上熱土擁臍上作窩令人溺滿煖氣  
透臍卽甦乃服地漿蒜水等藥 千金方金  
瘡出血不止飲人尿五升 外科發揮折傷

跌撲童便入少酒飲之推陳致新其功甚大  
千金方火燒悶絕不省人事者新尿頓服  
二三升良 通變要法人咬手指瓶盛熱尿  
浸一宿卽愈 普濟方赤眼腫痛自己小便  
乘熱抹洗卽閉目少頃此以鹹寒內有真氣  
故能退去邪熱也

簡誤

人弱茲陰降火。除骨蒸。解勞乏。治者吐。格

血。唾血其効甚速。褚澄遺書云。人喉有竅則  
咳血殺人。喉不停物。毫髮芥帶必効。血既滲  
入。愈滲則愈効。愈効愈滲。惟飲溲溺。則百不  
一死。若服寒涼。則百不一生。其爲肺腎有火  
者。必須之物。第其性稍寒。惟不利於脾胃虛  
寒。或溇泄及陽虛無火。食不消者。咸在所忌。  
今世人類用秋石。此乃水澄火鍊。真元之氣  
盡失。其功不逮童便多矣。况難多服。久服則

鹹能走血。使血凝。泣爲病。

溺白堊。療鼻衄。湯火灼瘡。

疏○溺白堊。卽人中白。乃人溺之積氣結成。其味鹹。氣涼。無毒。能瀉肝腎三焦膀胱有餘之火。本經療鼻衄。及大明治傳屍勞熱肺痿。心膈熱吐血羸瘦渴疾者。以其能入諸經。瀉去火邪也。涼能除熱。故又治湯火灼瘡。今人以之治口舌生瘡。疔蠹等證。多効。是其除熱。

降火之驗也。

主治參互

同冰片。硼砂。青黛。黃檗。牙硝。白礬。治口舌生瘡。及小兒走馬牙疳。口臭。經驗方。鼻衄不

止。人中白。焙乾。入麝香少許。溫酒調服。立效。

又方。小兒口疳。人中白。煨。黃檗。蜜炙。焦。爲末。等分。入冰片少許。以青布拭淨。搽之。累效。

婦人月水。解箭毒。并女勞復。

陳藏器云。經衣主金瘡。血湧出。炙熱。

熨之。又燒灰傳虎狼  
傷瘡。及箭鏃毒入腹。

疏○經云。女子二七天癸至。任脉通太衝脉  
盛。月事以時下。謂之天癸者。乃天一所生之  
水也。上應太陰。下應海潮。月有盈虧。潮有朝  
汐。故月事一月一行。與之相符也。其味鹹。鹹  
爲水化。凡毒得水則解。故能解箭毒也。女勞  
復者。熱病新瘥後。交感而得。其證發熱煩躁。  
少腹陰囊牽引而痛。以前病餘熱未除。陰精



復損。故有是證。月水乃陰中有陽之物。能補陰除熱。故主之也。金瘡及虎狼傷瘡。皆血分受傷爲病。以類相從。乃所以補其不足也。童女首經名紅鉛。能回垂絕之陽氣。第一時難得耳。如女子自受胎時。筭至十四歲足。卽於是日是時經至者。此爲正鼎。其經爲上藥。用法招攝於經將至時。真氣先到。采入身中。名得大藥。可以接命。卽首楞經所載精仙是也。

絕非入爐交感。亦非情想得通。故亦成仙道耳。

主治參互

扁鵲方。丈夫熱病後交接復發。忽卵縮入腹。腹痛欲死。燒女人月經赤衣爲末。熱水服方寸七。卽定。并治女勞色疸。千金方。男子陰瘡。因不忌月事行房。陰物潰爛。用室女血衲。瓦上燒存生。研末。麻山潤傳。傳物志。交廣。

夷人以焦銅和毒藥於箭鏃上。中人卽沸爛  
須臾骨壞而死。但服月水尿汁解之。

### 簡誤

月水雖能治病。然穢污不潔之物。故女子入  
月時。人宜遠之。其昇丹煎膏治藥。及小兒出  
痘。切須避忌。如犯之。則藥不靈。痘變壞也。紅  
鉛其性質乃陽氣凝結而成。火盛人不宜單  
服。須多服人乳。并入童溺乃佳。

浣禪汁解箭毒。并女勞復亦善。婦人禪福。主

陰易病。當陰上割取燒末。服方寸匕。童女禪益  
佳。若女患陽易。卽須男子禪也。陰易病者。人患  
時行病起後交合。陰陽便卽相著。甚於本病。其  
候小便赤濇。寒熱甚。頭痛。腰痛。耳鳴。眼花。服此  
使通利。

疏○禪福居下體。得陰氣勝。取其以類相從。  
氣相感。能導邪熱。故主陰陽易病也。

主治參互

仲景方陰陽易病。身體重。少氣。腹裏急。或引  
陰中拘急。熱上衝。胃頭重。不欲舉。眼中生花。  
膝脛拘急者。燒禪散主之。取中禪近陰處。燒  
灰。水服。方寸匕。日三服。小便卽利。陰頭微腫  
則愈。男用女。女用男。千金方。胞衣不下。以  
本婦禪覆井上卽下。

懷妊婦人爪甲。取細末。置目中。去翳障。

疏○爪者筋之餘。肝膽之外候也。經曰多食辛則筋急而爪枯。以辛能散真氣而走筋也。本經獨用懷妊婦人者。蓋婦人氣血充實乃能受孕。取其有生長力緊之意也。其味甘鹹氣平無毒。目中醫障。肝經血虛也。爪甲乃肝之餘氣所生。而性又帶散。故點目能去醫障也。寇宗奭以衆人甲刮取細末。搐鼻內。治鼻

初立愈。兼能崔生。利小便。止尿血。散乳癰等。

主治參互

聖惠方胞衣不下。取本婦手足爪甲燒灰酒服。又方一切目疾。以木賊草擦取爪甲末。同丹砂等分研勻。以露水搜九芥子大。每以一粒點入目內。或用乳汁和亦得。并治飛絲入目。

大靈蓋味鹹平無毒主傳尸疰鬼氣伏連久

瘴勞瘧寒熱無時者。燒令黑。細研。白飲和服。亦合丸散用。

疏○天靈蓋乃死人腦蓋骨也。不用他骨而用此者。以人生時腦爲諸陽之會。而此骨則一身衆骨之主也。其主傳尸尸疰。鬼氣伏連者。取其同類之氣。引出邪魅。則其魂魄飛越。不復附人。故得瘥也。久瘴勞瘧。寒熱無時者。亦邪惡之氣侵人也。辟惡散邪。是其能事。故



亦主之。

主治參互

同鬼臼、乾漆、象膽、獺肝、丹砂、胡黃連、入滋陰藥內治傳尸勞。同牛黃、象牙末、蛙竹屑、血

竭、乳香、沒藥、黃蠟、明礬、真珠、作丸治楊梅結毒。痘瘡經驗方。痘瘡陷伏。灰平不長。此係虛寒證。用天靈蓋燒研。酒服三分。

○附化屍場上人骨。取爲細末。傅金瘡。止血長

肉及惡瘡不收斂。并能治打撲折傷人受杖  
時服之。不痛不腫不爛。

簡誤

天靈蓋治勞瘵者。以其有尸鬼勞蟲爲害。取  
其逐散邪也。今人虛損勞怯。皆係色欲過度。  
損傷真陰。實無鬼氣淹伏。何得用此幽暗不  
祥之物治之哉。其痘瘡虛寒陷伏。或爲邪氣  
所觸。發不出者。不過借其陽氣所結之餘。逐

散其邪。以發出耳。非正治也。若血熱煩躁。乾紫黑者。用之必致危殆。不救。慎之。慎之。人胞主血氣。羸瘦。婦人勞損。面黧皮黑。腹內諸病。漸瘦瘁者。以五味和之。如髓餌法。與食之。勿令知。一名紫河車。

疏○夫人有生之初。攬父精母血。以成胚胎。外卽有衣一層。裹之。卽胞也。至十月降生時。隨兒後出。其味甘鹹。氣溫。無毒。血氣羸瘦。婦

人勞損。面黧皮黑。腹內諸病。漸瘦瘁者。皆榮血不足。精氣虧損也。此藥得精血之氣。而結能從其類以補之。是以主諸證也。今世以之治男女一切虛損勞極。爲益血補精氣之用。

主治參互

同人參、黃耆、鹿茸、白膠、當歸、補骨脂、五味子、巴戟天、治真陽虛極、畏寒、足冷。

吳球大造

丸、治虛勞骨蒸、女人無子、及多生女、月水不

調小產難產服之必主有子危疾將絕者一

二服可更活一二日其補氣血之功力可見

也久服耳目聰明鬚髮烏黑延年益壽有奪

造化之功故名大造丸用紫河車一具男用

女胎女用男胎初生者米泔洗淨淡酒蒸熟

搗曬研末敗龜板童便浸三日酥炙黃二兩

黃檗杜仲各一兩半牛膝一兩二錢生地黃

二兩半入砂仁六錢白茯苓二兩絹袋盛入

瓦罐酒煮七次去茯苓砂仁不用杵地黃爲  
膏聽用天門冬麥門冬人參各一兩二錢淨  
夏月加五味子七錢俱忌鐵器爲細末地黃  
膏加酒米糊丸小豆大每服八九十九空心  
鹽湯下女人去龜板加當歸二兩男子遺精  
女人漏下並加牡蠣粉一兩去人參

簡誤

人胞乃補陰陽兩虛之藥以其形質亦得男

女坎離之氣而成。如陰陽兩虛者服之有反  
本還元之功。誠爲要藥也。然而陰虛精涸。水  
不制火。發爲咳嗽吐血。骨蒸盜汗等證。此屬  
陽盛陰虛。法當壯水之主。以制陽光。不宜服  
此竝補之劑。以耗將竭之陰也。胃火齒痛法  
亦忌之。

○胞衣水。味辛無毒。主小兒丹毒。諸熱毒。發寒  
熱不歇。狂言妄語。頭上無辜髮豎。虛痞等證。

天行熱病。飲之立效。此卽胞衣埋地下久遠。化爲水者。得地中之陰氣。其氣必寒。辛寒而走足陽明經。故主如上諸證也。南人以甘草升麻和入胞。瓶盛埋之。三五年後。掘出取爲藥也。

初生臍帶。主瘧。燒爲灰飲下之。

疏○臍者命帶也。當心腎之中。爲真元歸宿之處。胎在母腹。臍連於胞。喘息呼吸。滋養之。



妙從此而通胎出母腹。臍帶剪斷。則一  
元之氣從此而歸入命門丹田。故臍爲命蒂。  
而臍帶亦真氣會聚之所也。本經以之治瘡  
者。應是久瘡虛寒之甚。藉其氣以補不足也。  
今世以小兒脫下臍帶燒灰與服。可解胎中  
一切毒。及免驚風痘患。亦取裨補真元耳。

主治參互

全幼心鑑。臍汁不乾。綿裹落下臍帶。燒研一

錢入當歸頭末一錢麝香一字。搽之。保幼  
大全預解胎毒。臍帶燒灰。以乳汁調服。或入  
辰砂少許。可免痘患。無毒而主療甚稀。不著  
簡誤。